

Headlines

- 1 जम्मू-कश्मीर सरकार नै श्री अमरनाथ जी दी जात्तरा दे दवैं पहलगाम ते बालटाल रस्ते गी 1 जुलाई थमां 10 अगस्त तगर नो फ्लाईंग जोन घोषित करी दित्ता ऐ।
- 2 मुखमंत्रि उमर अब्दुल्ला होरें टूअर आपरेटरें दे इक प्रतिनिधिमंडल कन्नै मलाटी कीती ते जम्मू-कश्मीर च सैलसफा गी परतियै बहाल करने लेई सांझे जत्तें दा आह्वान कीता।
- 3 इस्राइल ते ईरान मझाटै बदी दी तनोतनी दे मद्देनजर भारती दूतावास नै तेहरान थमां भारती विद्यार्थियें गी सुरक्षित बाहर कड़ेआ।
4. 22 अप्रैल दे पहलगाम आतंकी हमले दे परैंत बंद कीती गेदियां जम्मू ते कश्मीर खित्ते दियां कई सैलसफा आहलियां थाहरां अज्ज परतियै खोली दित्ती गेइयां।
5. मौसम मैहकमे नै औने आहले किश दिनें दौरान जम्मू-कश्मीर च बरखा बरने दी पेशगोई कीती ऐ।

<><><><><><>

No Flying Zone

औंदी अमरनाथ जी दी जात्तरा दे मद्देनजर सुरक्षा दे पुख्ता बंदोबस्त यकीनी बनाने दे मकसद कन्नै सरकार नै पैहली जुलाई थवां यात्रा दे पूरे रस्ते गी No flying zone घोषित करी दित्ता ऐ। एह पाबंदी 10 अगस्त तगर लागू रौह्ग। एह पाबंदियां हर चाल्ली दे ब्हाई उपकरणें जियां UAV, Drones ते गुब्बारे बगैरा पर लागू ऐ। एह हुक्म बालटाल ते पहलगाम दौनें रस्ते पर लागू रौह्ग। उआं एह पाबंदियां कुसै मेडिकल स्थिति, आपदा प्रबंधन जां निगरानी आहली कार्रवाई पर नेई होडन। इस गैंऽ दा मकसद सलाना जात्तरा गी सुचारू ते बवस्थित ढंगै सिर करोआना ते श्रद्धालुएं दी सुरक्षा गी यकीनी बनाना ऐ।

<><><><><><>

CM-Delegation

जम्मू-कश्मीर च सैलसफा गी बढावा देने दे मकसद कन्नै मुखमन्त्री उमर अब्दुल्ला होरें Indian Associaton of Tour Operators-IATO दे प्रतिनिधिमंडल कन्नै गल्ल कीती। एहदा मकसद जम्मू-कश्मीर च सैलसफा गी बढावा देना ऐ। बैठक दौरान मुख करी ध्यान जम्मू-कश्मीर गी सैलसफा दी प्रमुख थाहर बनाने, ढांचागत सुविधाएं गी बेहतर करने ते संपर्क बढाने पर दिता गेआ। मुखमन्त्री होरें भरोसा दोआया जे सैलसफा सरबन्धी जत्तें च सरकार पूरी मदद करोग। उनें सरबन्धी उद्योग दे धडें कन्नै बेहतर संपर्क लेई बी गलाया। इस गैफ् गी सैलसफा गी परतिए बढावा देने ते मुकामी अर्थ बवस्था गी मजबूत करने दी दिशा च दिक्खेआ जा'रदा ऐ।

<><><><><><>

MEA-Indian Students

तेहरान च भारती दूतावास दे जत्तें करी भारतीय विद्यार्थिं गी सुरक्षित थाहरें पर पजाने दे इंतजाम कीते गए न। विदेश मंत्रालय नै अपने इक बयानै च आखेआ ऐ जे जिंदे कश औने-जाने दी अपनी बवस्था ऐ, उनेंगी बी स्थिति गी दिखदे होई शैहर थवां बाहर जाने लेई आखेआ गेआ ऐ। किश भारतीये गी अरमोनिया कन्नै लगने आहले बन्ने थवां ईरान सोयां बाहर कडुने दी सुविधा उपलब्ध करोआई जा'रदी ऐ। दूतावास लगातार भारती समुदाय दे संपर्क च ऐ तां जे उनेंगी जरूरी मदद दिती जाई सकै।

<><><><><><>

DC Doda

ईरान इस्नाइल बश्कार चला'रदी तनोतनी दे मद्देनजर डोडा दे डिप्टी कमिशनर हरविंद्र सिंह होरें आखेआ ऐ जे जिले दे 7 विद्यार्थी जेडे ईरान च एम.बी.बी.एस करा रदे न, ओह सुरक्षित न। उनें आखेआ जे जिला प्रशासन, उन्दे परोआर आहलें दे संपर्क च ऐ।

<><><><><><>

Special-Feature 11 years

भारत नै सेवा सुशासन ते गरीब कल्याण दे सिद्धांतें थवां प्रेरित होइयै इक्क दहाके च टकोदा बदलाव कीता ऐ। आकाशवाणी समाचार तुंदे लेई पिछले 11 बरें च प्रमुख क्षेत्रें च सरकार दे जत्तें पर खास श्रृंखला लेइयै आया ऐ। इस सरबंध्यै च अज्ज अस्स किफायती ते सेहत सरबंधी दिक्खभाल पर ध्यान केंद्रित करने आं। पिछले 11 बरें च भारत दी सेहत सेवा प्रणाली च टकोहदा बदलाव होआ ऐ। आयुष्मान भारत जनेई प्रमुख पैहलें कन्नै करीब 55 करोड़ लोकें गी माली सुरक्षा प्रदान कीती गई जिस्सलै की आयुष्मान भारत डिजिटल मिशन नै सेहत सेवा गी आधुनिक बनाया जेदे तैहत 78 करोड़ थवां मते आयुष्मान खाते बने। सरकार नै कोविड-19 महामारी दौरान ब्हाई अड्डें पर स्क्रीनिंग वगैरा जनेई गैंऽ पुट्टियां। कोविन-प्लैटफार्म राएं सुचारू वैक्सीन उपलब्ध करोआई गई। ई-संजीवनी नै टैलीकम्युनिकेशन गी सक्षम बनाया। सब्बनं लेई सेहत सेवा आहले नजरिए तैहत सरकार नै पुज्ज च विस्तार करने, गुणवत्ता च सुधार करने च अभूतपूर्व प्रगति कीती ऐ।

<><><><><><>

Tourist-Destinations

22 अप्रैल गी पहलगाम आतंकी हमले दे परैत बंद कीते गेदे जम्मू-कश्मीर दे केई सैलसफा आहली थाहरां अज्ज परतियै खुल्ली गेइयां न। सुरक्षा गी यकीनी बनाने आस्तै इनें थाहरें दे आसे-पासे बड्डी गिनतरी च सुरक्षाकर्मियें दी तैनाती कीती गेदी ऐ। जंदे शनिवारें उपराज्यपाल मनोज सिन्हा होरें 16 सैलसफा आहली थाहरें गी परतियै खोलने दा हुक्म दित्ता हा। इंदे च 8 थाहरां जम्मू खित्ते च ते 8 गै कश्मीर घाटी च न। जम्मू च परतियै खोले गेदे थाहरें च कठुआ जिले च सरथल ते धग्गर, रियासी च देवी पिंडी, सियाड़ बाबा ते सुला पार्क, डोडा च गुलडंडा ते जाई घाटी ते उधमपुर च पंचैती शामिल न। जिस्सलै के कश्मीर घाटी च परतियै खुल्लने आहली थाहरें च बेताब घाटी, बेरीनाग, कोकरनाग ते अच्छाबल गार्डन शामिल न।

<><><><><><>

Yoga Day

इस महीने की 21 तारीख की ओर आहूत अंतरराष्ट्रीय योग दिवस की तैयारियों में महेनजर मोरारजी देसाई राष्ट्रीय योग संस्थान ने अजमेर में दिल्ली में योग बंधन कार्यक्रम का सारिस्ता कीता। डेनमार्क, इंडोनेशिया, मलेशिया, दक्खिन कोरिया ते अर्जेन्टीना सने कई देशों में काबले जिक्र नुमाइंदें इस कार्यक्रम में मजूद हैं। एहू पहिल अंतरराष्ट्रीय योग दिवस-2025 में सरबंध्य में बढ़ावा देने आहूली 10 प्रमुख कार्यक्रमों में बिच्चा इक्क ऐ।

<><><><><><>

Yoga Day Doda

इसमें चाली अंतरराष्ट्रीय योग दिवस लेई जम्मू-कश्मीर में बी जोरें-शोरें कन्नै तैयारियां कीती जा'रदियां न। इसमें सिलसिले में डोडा जिला प्रशासन ने डिप्टी कमिशनर दफ्तर परिसर में योग सत्र का सारिस्ता कीता। इस कार्यक्रम की नुमाइंदगी डिप्टी कमिशनर हरविंद सिंह होरें कीती। डी.सी होरें सेहतमंद जीवनशैली बनाने आस्तै योग की राजमर्ग की जिंदगी में अपनाने में महत्व पर जोर दित्ता। इस सत्र का मकसद पूरे जिले में योग आस्तै जागरूकता ते भागीदारी की बढ़ाना हा।

<><><><><><>

Prog. Announcement Yoga

आकाशवाणी जम्मू का क्षेत्रीय समाचार, एकांश अंतरराष्ट्रीय योग दिवस पर 20 मिनट का इक खास कार्यक्रम पेश करा करदा ऐ। जेहदा प्रसारण 18 जून की बडलै 7 बज्जियै 10 मिनट पर कीता जाग। कार्यक्रम में सादियों परौहिनियां होंगन मन्त्री परमन्त्री दियों योग आचार्य डॉ. सुजाता संथु। सुजाता होर साठे जीवन में योग में महत्व बारे अपने बचार सांझे करगंन। चर्चा की मेजबानी साठे न्यूज एंकर श्रुति खजूरिया ते कुणाल श्रीवत्स करगंन। एहू कार्यक्रम तुस मीडियम वेव 303 मीटर यानि 990 किलोहर्टज ते एफएम 100.3 मेगाहर्टस पर सुनी सकदे ओ।

<><><><><><>

Rajouri-Employment Mela

नौजोआनें च उद्यमशीलता ते स्वरोजगार गी प्रोत्साहित करने आस्तै राजौरी दे जिला रोजगार ते परामर्श केंद्र आसेआ डाक बंगले राजौरी च मिशन युवा पैहल दे तैहत उद्यमिता मेले दा आयोजन कीता गेआ। इस कार्यक्रम दा उद्घाटन राजौरी दे डिप्टी कमिशनर अभिषेक शर्मा होरें कीता। इस मौके पर उनें स्वरोजगार योजनाएं गी दर्शाने आहले बक्ख-बक्ख मैहकमें दे स्टालें दा दौरा कीता। कार्यक्रम दौरान मिशन युवा हेल्प डेस्क कायम कीते हे जिंदे राहें मौके पर गै पंजीकरण ते बपार योजनाएं पर मार्गदर्शन दित्ता गेआ। मेले दा मकसद मिशन युवा बारै जागरूकता बढ़ाना ते संभावित लाभार्थियों दी पंछान करना हा तां जे उनेंगी कामयाब उद्यमी बनने आस्तै सिखलाई, सलाह ते माली मदद दित्ती जाई सकै।

<><><><><><>

Weather

मौसम विभाग नै जम्मू कश्मीर च औंदे किश दिनें दरान बरखा बरने दी पेशगोई कीती ऐ। विभाग दा आखना ऐ जे 20 जून तोड़ी प्रदश दी किश-किश थाहें पर हल्की बरखा दे कन्नो कन्नी अंधी झक्खड़ ते तेज हवाएं दे झुल्लने दे आसार दस्से गेदे न। एह्दे अलावा 21 जून थमां लेइयै 23 जून तगर मौसम बदलोखड़ा रौहग ते रूकी रूकियै बरखा बरदी रौहग। अधिकारिएं लोकें गी सलाह जारी कीती ऐ जे मौसम सरबन्धी जानकारी पर तक्क बनाई रखने ते हफ्ते दे खीरै च मौसम दे आने आली तब्दीली दी पेशगोई गी दिखदे होई जरूरी एतिहात बरतन।

<><><><><><>